



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Complectens Constitutiones Benedicti XIV. ab initio Pontificatus usque ad  
Annum 1746

**Luxemburgi, 1752**

Admissio nonnullarum Familiarum inter alias Civium Nobilium  
Romanorum.

---

[urn:nbn:de:hbz:466:1-74696](https://nbn-resolving.org/urn:nbn:de:hbz:466:1-74696)

Admissio nonnullarum Familiarum inter alias  
Civium Nobilium Romanorum,

S. P. Q. R.

CUM post editam a Sanctissimo Domino  
Nostro Domino BENEDICTO PP. XIV.  
Constitutionem, quæ incipit *Urbem Romam sub  
datum Romæ apud Sanctam Mariam Majorem die  
4. Januarii 1746.* porrectus fuerit Sanctitati Sæ  
per Illustrissimos & Excellentissimos Dominos  
Almæ Urbis Conservatores libellus supplex no-  
mine aliquarum Nobilium Familiarum, quæ  
Magistratibus Capitolinis perfunctæ, in enu-  
meratione Familiarum, quæ in antedicta Bulla  
ad Romanam Nobilitatem adscisciebantur, fue-  
rant prætermittæ; Placuit Sanctitati Sæ dictis  
Dominis Conservatoribus rescribere, Con-  
stitutionem non obstare, quin immo con-  
sentaneum esse menti, & voluntati Sanctitatis  
Sæ, ut Familiæ prædictis honoribus olim  
perfunctæ demonstrata Personarum nunc ex-  
istentium descendentiæ, absque aliis Nobilita-  
tis probationibus Nobilium Romanorum libro  
adscribantur, prout de his omnibus constat ex  
dicto supplici libello cum rescripto ex Audien-  
tia Sanctissimi die 12. Januarii 1746. in Tabula-  
rio secreto Excellentissimæ Cameræ Capitolinæ  
asservato, ad quod &c. In horum igitur exe-  
cutionem, præviis probationibus ad formam su-  
prædicti rescripti fuerunt usque adhuc plures Fa-  
milix de mandato Illustrissimorum & Excellen-  
tissimorum DD. Almæ Urbis Conservatorum per  
me infra scriptum Sacri S. P. Q. R. Scribam in  
albo Nobilium Romanorum adscriptæ, nempe  
de anno 1746. die 25. Januarii Familiæ *Bona-  
dies*, & *Boucompagni*, die 28. Aprilis Familia

*Cenci* bo. me. Joannis, die 15. Septembris Fami-  
lia *Brandani*, die 5. Octobris Familia *Gherardi*,  
die 14. Decembris Familia *Maxzini*; De anno  
verò 1747. proxime elapso die 30. Maji Familia  
*Oignani*, die 30. Augusti Familia *Orsini*, & die  
2. Martii currentis anni 1748. Familia *Mazzanti*.  
De quibus omnibus plenissime constat ex publi-  
cis documentis in Tabulario secreto Excellen-  
tissimæ Cameræ Capitolinæ asservatis, nec non  
ex libro Decretorum penes me Scribam-Senatus  
infra scriptum existente. Insuper attentis proba-  
tionibus in prælaudata Bulla decretis coram qua-  
tuor ex Illustrissimis Nobilibus Conscriptis scru-  
tatoribus singulis vicibus fortitò electis per au-  
thentica documenta peractis, fuerunt aliqua  
Familiæ in hujusmodi Nobilium Romanorum  
Ordinem per secreta suffragia cooptatæ, nimi-  
rum de anno 1746. die 21. Julii Familia *Roncioni*,  
die 10. Novembris Familia *Panimolle*, ac de an-  
no proxime præterito 1747. die 30. Januarii Fa-  
milia *de Particella*, & die 25. Maji Familiæ *de  
Lavinis*. De quibus pariter satis superque con-  
stat ex publicis Diplomatis, ac Scripturis  
in prædicto Tabulario secreto Excellentissi-  
mæ Cameræ Capitolinæ repositis, ac etiam, ex  
libro præfato Decretorum penes me asservato.  
Ut autem de his omnibus & singulis veritas ubi-  
que pateat, has præsentis Literas manu mea  
subscriptas, & solito, quo utor, Sacri S. P. Q. R.  
Signo munitas dedi, ac publicavi requisitus. In  
quorum fidem &c. Ex Capitolio anno ab urbe  
condita 2498. Ab Orbe autem redempto 1748.  
Quarto non. Martii.

*Ita est Virginius Cincius*  
S. P. Q. R. Scriba.

Loco ✠ Signi.

